

Flumina.

tragurium hodie *tran*, a continenti parvo Euripo separatum. *Epidaurus* urbs antiqua, ad cuius ruinas *Ragnum*, vulgo *Ragusi*, Turcis *Pobrovicha*, urbs exigua cum arce munitissima: hic nobile est emporium mercium Turcicarum, Respublica Legibus æquissimis constituta, Cives opulenti. Duobus præcipuis abluitur tota Regio fluijs, *Savo* & *Dravo* qui in Danubium corruunt. Ultra Montes plurimi minores amnes erumpunt in Sinum Hadriaticum, ut sunt *Edanius*, *Ticius*, *Naron*, *Rhezon*, & *Drinus*. Illyrici seu Sclavonici populi ferè omnes ligneis habitant ædificijs, culmo contactis, præter paucas littorales urbes, in quibus humanius degunt. Et hæc de Illyrico sive Sclavonia universim. Sclavonia autem quam hic nostra exhibet tabula, Illyrici illius tantum pars est, nisi forte dicamus eam Plinij esse. Continet *VVinderum*, *Marchiam* & *Zagabriensem Comitatum*, uti ex Pinace videre est.

Croatia.

Regio.
Situs.
Urbes.

CR O A T I A Illyrici quod initio descripsimus, pars versus Hungariam, Rufo & Volaterrano *Valeria*, *Liburnia* alijs. Istriæ ad Sinum Fanaticum adhæret versus Ortum, inter Cusgam & Savum flumina, & Superiorem Mœsiam sita. Hujus Metropolis nunc *Bigihon* esse dicitur: aliquando *Fumium* erat. Vrbes præterea plurimas habet, utpote *Zeng*, *VVackat*, *Turnaw*, *Modrisch*. Ceterum Regio paucis ab hinc annis propter Turcarum in hanc invasiones mirum in modum innotuit. Cum jam fœdus quod cum Christianis erat Turca rupisset, hanc Regionem uti sibi vehementer commodam ad invadendum cæteras Regiones, Italiam & Germaniam, suis Regnis & Provincijs adnectere ardebat. Sub initium itaque æstatis anni c i o i o x c i i Turcarum Imperator per Bassas & Duces suos in Croatiam exercitum duci jubet. Conster-natis vehementer per totam regionem adventante hoc exercitu militibus, *Hrastovitza* munimentum fortissimum per prodicionem, Bassa ex Bosnia capit. Neque hoc furiosi militis placata rabies est, quin *VVijhuz*, civitatem munitissimam, vallis aggeribusque undique circumductam, obsideat: militem omnem, qui eam tuebatur, cum pro vita sustentanda, & reliquo defendendo, nihil, neque spes superesset, gloriose se dantem, præter fidem datam, Turca enecat. Hanc deditionem mille aliæ calamitates sequutæ sunt, quas silentio transeo. Porro anno sequenti, qui erat Millesimus Quingentesimus Nonagesimus Terminus, cum a se tot par-tas victorias, tot captas Arces & Munimenta Turca gloriaretur, habendi *Sisseghum* Civitatem munitissimam, vehemens eum cupido invadit: atque exercitu coacto, obsidione hanc Civitatem cingit. Verum Germani animadvertentes quantum mali hinc & detrimenti, si a Turcis caperetur, non solum Germaniæ, verumeti-am toti Europæ accederet, collectis undique copijs, ac trajecto Savo fluvio, pro civitate liberanda, cum ini-mico configere statuunt. Turci Equites qui numero erant 8000, aut ut alij volunt 10000, ut impedirent Christianorum adventum per Pontem quem ante exstruxerant, ad alteram Savi ripam properant, exercitum suum locant, pugnamque cum Christianis ineunt: instat durius ac animosius Christiani, quorum impetum non ferentes Turcæ ad Pontem fugiunt, verum eum jam paullo ante occupaverant Carolostadienses Milites.

Turcæ